



partii naleraq

Nuuk 13.maj 2019

UPA 2019/189

Jens Napătôk, Partii Naleraq

**Nunaqarfinni innuttaasut peqqinnissaqarfiup allalluunniit assingusumik piginnaaneqartut ingerlatassaannik inuunernik peqqinnermillu annaassiniarluni ikiueeqqaarnernik pikkorissartinneqartalernissaannik pisariaqartitsinernik periarfissanillu Naalakkersuisut peqquneqarnissaannik Inatsisartut aalajangiiffigisassatut siunnersuut. Misissuineq ukioq 2019 naatinngagu qanoq aningaasalersorneqarnissaanut pisariaqartitsinerit periarfissallu Inatsisartunut saqqummiunneqassaaq.**

(Inatsisartunut ilaasortaq Doris J. Jensen, Siumut)

### **Siullermeernera**

Inatsisartunut ilaasortaq Doris Jakobsen Jensen, siumut siunnersuutaanut, tassalu Nunaqarfinni innuttaasut peqqinnissaqarfiup allalluunniit assingusumik piginnaaneqartut ingerlatassaannik inuunernik peqqinnermillu annaassiniarluni ikiueeqqaarnernik pikkorissartinneqartalernissaannik pisariaqartitsinernik periarfissanillu Naalakkersuisut peqquneqarnissaannik Inatsisartut aalajangiiffigisassattut siunnersuut. Misissuineq ukioq 2019 naatinngagu qanoq aningaasalersorneqarnissaanut pisariaqartitsinerit periarfissallu Inatsisartunut saqqummiunneqarnissaanut siunnersuuteqarputit.

Siullermillu Nunaqarfinni innuttaasut ikiueeqqaarnernik pikkorissartinneqartalernissaanik misissueqqusilluni siunnersuuteqartumut Partii Naleqqamiit qujassuteqarfigerusupparput siunnersuuteqartoq Inatsisartunut ilaasortaq Doris Jakobsen, Jensen Siumut.

Ikiueeqqaarneq pillugu misissusoqarnissaanik ukioq 2019 naatinngagu qanoq aningaasalersorneqarnissaanut pisariaqartitsinerit periarfissallu Inatsisartunut saqqummiunneqassasoq pillugu siunnersummut Partii Naleqqamiit imatut oqaaseqaateqassaagut.

Ikiueeqqaarnermi pikkorissarsimaneq inuunermik annaassisinnaavoq aammalu arlaatigut pinartoqartillugu eqqortumik ikiuinissamut iliuuseqarnissamik aqqutissiuussisuuvvoq.

Ikiueeqqaarnermi piginnaasat pikkorissarnikkut pissarsiarineqartartut inuup piginnaaneqarfi-gilertagai pingaaruteqartorujussuupput, taamaammat Kalaallit Nunatsinni ikiueeqqaarnermut pikkorissarsimanissaq pingaaruteqartorujussuaq Partii Naleqqamiit isumaqarpugut.

Inuk uummamminik unittoirluni upippat ikiueeqqaarnikkut ikiorneqanngikkuni ajoraluartumik toqusussaavoq, taamaammat ikiueeqqaarnissaq piaernerpaamik pingaaruteqartorujussuulluni ajoraluartumillu minutsit siullit ikiueeqqartoqarsinnaannginnera peqquaalluni toquinnartarpapput amerlavallaarujuussuartut ikiueeqqartoqartannginnera minutnsini siullerni peqquaalluni.

Inuk uummammit unittoirluni uppinneraniit minutsit siullit ikiueeqqaarfiginissani pingaarute-qartorujussuupput annassinnaanissaanut.

Ikiueeqqaarneq pingaaruteqartorujussuovoq pikkorissarfisimassallugu illuatungeriit tamarmik iluaqtigisinnaasaat, tassa pingaaruteqarpoq ikiueeqqaarnermut pikkorissarsimanerit inuunermik



partii naleraq

Nuuk 13.maj 2019

UPA 2019/189

Jens Napătōk, Partii Naleraq

annaassisinnaavoq aammalu allat ikiueqqaarnermik pikkorissartarnerat illit nammineq  
annaanneqarnissannut iluaqtigisinnallugu.

Ikiueqqaarnermi pikkorissarnikkut piginnaaneqalersimaneq ajornerpaamik pisoqarnerinnaanik  
ikiueqqaarnissamuinnaq tunngassuteqanngilaq, tassa aamma inuk anniannginnerunissaanik  
tusarnaarsinnaaneranut tapersorsorlugulu najornissaanut sakkussanik peqarneq ilutigalugu inuk  
nalaataqartoq najorlugulu tusarnaarsinnaaneraniippoq. Inuk ataqqinartumik inuppalaartumik  
tapersorsorlugulu paaqqutaralugu ikiorserneqarnera aamma ikiueqqaarneruvoq arlaatigut  
sumiluunniit pisoqartillugu.

Ikiueqqaarnermi tassalu inummik imaluunniit inunnik ikiuineq siulleq tassalu ikiueqqaarneq  
pingaruteqarluinnartuuvoq arlaatigut ajutoortoqartillugu, taamatullu ajutoortoqarnerani  
tulleriaalarluni nalilersuipallassinnaaneq ataqtigiissaakkamillu iliuuseqarasuarsinnaaneq  
pingaaruteqartoq ilikkarneqartarpooq.

Ajutoortoqartillugu ajornerusumik pineqaqqinnginnissaa piaartumik iliuuseqarfingineqarsinnaavoq  
inuup nammineq ulorianartorsiortinnani ikiuigasuarsinnaaneranik, tassalu ikiuigasuartoqarneratigut  
toqqissisimanermik pilersitsinissaq pingaaruteqarluni.

Ajornerusumik pisoqannginnissaa qulakkeerneqareerpat, tulleriaarinikkut inuk ataasiuppat  
imaluunniit ajoquersimasut arlaliuneri ilutigalugit ikiueqqaarnermi tulleriaarinikkut ikuinissamut aqutissiuussisarput.  
Inuk inuit qanoq passutarineqassanersut il. II. Tassalu uummarsaasoqassappat arlaatigulluunniit  
annertuumik kilertoqarsimappat niua napisimappat iliuusissat, taavalu kingorna ikiortissamik  
pissarsinissaq. Qanorlu angallassisoqassanersoq ilaalu ilanngullugit.

Ikiueqqaarneq ikuineruvoq napparsimasumut imaluunniit annikinnerusumik  
annertunerusumilluunniit ajoquersimasumut, taamaammat tulleriaarinissaanek aammalu  
ajoquersimasoq ikiorasuarnissaanut pissuseqarnissaq pingaaruteqaaqqissaarluinnartuuvoq.  
Ikiuneqartussaq qanoq iliuuseqarfingissallugu toqqissisimanerunissaanik aammalu ikiorlugulu  
naalaarsinnaanissaa pingaaruteqartuulluni inuup annaanneqarneranik kinguneqarsinnaasoq.

Eqqisisimasumik toqqissisimasumik ikiuigasuarsinnaaneq aammalu iliuuseqarasuarnikkut  
periutissanik sakkussaqarneq inummut ajoqusertumut napparsimasuulluunniit toqqissimasumik  
naalaarsinnaallugu iliuuseqarfiuvoq pingaaruteqarlunnartoq.

Ikiueqqaarnermik pikkorissarsimaneq sakkussanik pissarsiffiusarpoq qanoq iliuuseqarasuarnissamut  
inuk arlaatigut ikiortariaqartoq timimigut ajoquersimasoq ikiorsuarnissaanut.

Taamaammat Nunatsinni minnerunngitsumik nunaqarfinnut naleqquttumik iluaqtaasinnaasunik  
sakkussanik ikiueqqaarnissamut pikkorissaasalernissat nalilersoqqinnagut piaartumik qanoq  
qaqugulu pikkorissaasinnaanerit aallartiorneqassanersut pillugit pilersaarusiortoqartariaqartoq  
Partii Naleqqamiit isumaqarpugut.



partii naleraq

Nuuk 13.maj 2019

UPA 2019/189

Jens Napătôk, Partii Naleraq

Partii Naleqqamiit isumaqarpugut ersarissumik anguniagaqartariaqartugut ikiueqqaarnermi pikkorissaasarnerit pillugit.

Tassalu Nunatsinnut nunaqarfinnut naleqquttumik ajutoorsinnaanermik ikiueqqaarnissamik pikkorissaasarnerit pilersaarusiornissaat. Tassa nunaqarfiit eqqarsaatigigaanni nalunngilarput nakorsat imaaliallaannaq tikinneqarsinnaaneq ajortut, taamaammallu qanoq iliuuseqarsinnaanerit eqqarsaatigalugit naleqqussakkamik pikkorissaanissat nunatsinnut nunallu inuinut naleqquttumik pilersaarusiortlugillu ingerlaneqartariaqartut Partii Naleqqamiit isumaqarpugut.

Ikiueqqaarnermic pikkorissartarnerit inuunermik annaassisinnaanermik kinguneqartussaapput, taamaammat Naalakkersuinikkut anguniartariaqarpaput amerlanerpaat ikiueqqaarnermic pikkorissarsimanissaat nunatsinni sumiikkaluaruttaluunnit.

Tassa Ikiueqqaarnermut pikkorissarnerit ABC aammalu uummatimik aallartitsisinnaanerit nunaqarfinnut nunatsinnullu nunap inuinut naleqquttumik ikiueqqaartalernissamik pikkorissarttsisarnerit ingerlattariaqarpaput aammalu pikkorissareersimasut pikkorissaqqittarnissaat ilanngullugit pilersaarusiortariaqartut Partii Naleqqamiit isumaqarpugut.

Nunatsinni naleqquttumik pikkorissaasarnerit ataavartunngortittariaqarpaput, inuunermik annaassisinnaapput aammalu anguniartariaqartariaqarpugut, taamaammat Partii Naleqqamiit kaammattutigerusupparput Naalakkersuisut anguniassagaat nunap inuisa inersimasut affai ikiueqqaarnermic pikkorissarsimanissaat minnerpaamik piaartumik anguniarneqassasoq.

Taamatut Partii Naleqqamiit oqaaseqarluta oqaaseqaatigut ilanngullugit ataatsimiitaliami ilanngullugit nalilersuiffigineqarneqarlutik suliarineqarnissaat innersuussutigalugit qanoq iliuuseqartoqarnissaanik aallarttsisoqarnissaanik oqariartuuteqarluta oqaaseqaateqarpugut misissuisoqaannarani qanoq iliuuseqartoqarnissaa pingaaruteqarluinnartutut Partii Naleqqamiit isigingatigu.

Qujanaq